

LAIBU ETTE

1. Chanchinmawia C.Rev. *Hun Hnunning Chanchin*.Aizawl : F.B.C Publication Board, 191
2. Chuailova L.H. *Hun Hnunning Chanchin Hrilh Lawkna Apostlete Pawmdan*. Aizawl: Samaritan Printer, 2011
3. Chuauthuama. *Chawhchawrawi*. Aizawl: K. Llalhluna, 1990.
4. Lianthuma. *Miten an buaipui Bible-A Thu khirhkan*. Aizawl: Synod Publication Board, 1989
5. Lamka District Head Quarter Church Khanglai 2011 Special Issue, Khanglai Aw,Lamka: PYF, 2011
6. Kipgen Limkhongam (Editor), *Khohui Mothly Magazine*, Vol.1V, Issue. Saikul.
7. Vanlalauva H. Dr. *2011 Nilai leh Beirual Thupui Hun Hnuhnung Thu*, Aizawl: synod Publication Board, 2010

SUUNNA

Upa Khankhohau khu (L) Pi Kamneh leh (L) Pi Mangdon te tapa thumna ahia, January 15, 1942 in Milongmun khuo ah ana pieng hi. Kum 1955 in Khristian ah ana kipie a, Pastor Mangdal khut ah Baptisma ana tang hi. 1959 kum in Mautam kiel ziehin Milongmun apat Mawngken khuo ah a pem uhi. 1962 kum in Assam Regt. in ana lut hi. Azi P. Chinkhanman toh 1964 in ana kiteng ua, Pasian guolzawl na goutan tapa-2 leh tanu 4 anei ban ah, tu pasal-6 leh numei-8 anei uhi. Kum 1982 in Tuiman khuo ah apem ua, MGP Upa in ana kai a, Moderator Upa Ngulzakham khut ah December 17, 1994 in Zomi Colony ah Ordination a tang hi. 1998 in Behiangjang ah ana pemlut ah, Upa kaikia in Rev. Stephen Chinzathang khut ah Re-instate tang kia in 2008 in Behiang ah Local Chairman ana tu hi. Kum 2009-2010 Tuivai District Treasurer na pang hi. Tualeh kum 2008-2010 sung teng Behiangjang Hattuum ah Local Chairman na puo hi. Tuachiin 21 February 2011 in Awnchinkap khuo ah hing pemlut kia in Hattuum ah lahlut ahi.

Sunglam natna zieh in Shija Hospital tan ah ki-enkol a, nanleh damzou talou in a kumtawn gam zuon in October 01, 2011 in ahing muolliem santa hi.



Editorial



Khristian Tangkou simtu zousie Mangpa Jesu min in chibai hoitah kang buh hi.

Pasian mapuina toh nite hing kiamzel in October ha ah i ding ta uh hi. Tua ahi lai in Pasian mapuina toh sepgual zong loching tah leh manpha tahte in Hattuum chin ten i zang zouchiet uh chi zong a kithei a Mangpa min phat in um ta hen.

Tua ahilai in i sepgual leh Synod Khompi thupi uh a tha in vel Chiang kia lei a ut huai hi. Mangpa Lampi siel un chi - Isai 40:3 leh John 1:6-9 apat la ahi. Tami Laisiangthou in ana tup ahi leh "Pasian thupina pieh ahi".

Ahi Zawlnei Isai laibusung gun tah in khual chiet leih tami Mangpa Lamlien Siel un ana chi jieh thesiam in a um hi. Isai hi Evangelical Zawlnei musau leh veina mi ahi, tua Chiang leh zong Mangpa Jesu hing pianna apoimo na Chiangtah a giel leh Lampi siel pa zong ahi hi.

Awle unau nang tulai gintu khat/Kristian khat na hina a Mangpa a ding in bang lamlian siel in na ki thei in na sem in na pedoh ei.

Khawvel khantouna lam en ding chi ta lei khovel a khantou dungjui in nou ma insung zong a khangtou thou a na thei ding ka gingta hi.

Tua ahi lai in Mangpa a ding in Na Innsung ah Mangpa Lamlian siel a pang na ma ahi sih le pang zou nailou na ma.

Ei gam i et leh Nu leh Pate la taten khupkhel beita, siamna ah, nei leh lam pilna ah, khovel toh ki tai demna chituam te ah taten ei

nu leh pa te hing khupkhel siang ta. Tanu-tapa ten nu leh pa thei nailou leh theingai lou zamo thanguai sianthoulou na te, pilna siangthoulou siamna siangthou lou umdan siangthou lou neh leh don leh gui thei siangthou lou ten i insungte uh suse siangta. Setan mun ong loupipi piahna insungte zong um ta.

Tuaban a Krista in a leisa a sisan a a tatsa Hattuum pawlpi sung te a zong Satan in mun lianpipi luata. Tulai a Pasian mizat Speaker minthang tahtah ten a gen zel uh compromise (A lemtan dandan a umthei) Hattuum tamtah Materialistic (Nei leh lam a buai) Hattuum tamta. Pasian a Pasian pia umlou Kaisar a Kaisar pia un Mangpa Jesun zongana chi hi.

Tua ahi zieh in unaute Mangpa lamlian na insung leh na Hattuum ni/Kristian na hina leh khotan (social) kivaipuahna te ah pilvang in Jesu Krist lamlian sial zui thei ta dingin iki chiel ut ahi.

Tuate bang te a chi kha vai, tuate ahi leh Mangpa na Pasian khu na lungtang zousie na hagau zousie in na lungsim zousie in na it ding ahi Mathai 22:37-40 in ahi bang in Mangpa lamlian sial ding in lungtang zousie i hagau zousie leh lungsim zousie toh pan la tha ding in iki chiel uh hi.

Mangpa loupian tang taken.

SEMINAR

HIV/AH toh kisai Shalom te kithuopi na in i Synod Office ah Seminar Ocotober 4, 2011 in um a, tuanah Pastor teng hing pei khawmin tulai a kithang HIV/AIDS toh kisai zilna hing nei uhi. Tua leh Shalom ten TA leh bahara hing piehpie uhi.

7.5. Ei Khristiante pen iginna uh kalvot leh soisahna ahish pou leh solkal thuthu a um dingte ihijieh uh thuman khu eite ading in hing hoijaw kha ding hi. Thamlouin tambang kisimpina pen i Bible uah jong imu uhi A kul-le-poimaw mama jieh ahingei ding a Pi Mary jong kei kagai hi chilou in thumangtah in kisimpina ava peina lam ah Bethlehem bongbuhpi ah Mangpa Jesu va hing khia hi. Tamin in kisimpina leh solkal thuman apoimawna ei gingtute ading in ang musah hi. Amabou iginna leh bawlsietna ahileh vang solkal thu hileh jong idou uh jong akhoh sih ding hi.

8.Thukhumsitna

Tamna igente uapat in Bible a number 666 kisimdan leh ahiding a angaite uh tungtang isuijouta uhi. I gensabang un tam Kihilnabu gel lai in Greek leh Hebraite bou khu number sutna ding in akijang uhi. Tualeh Kihilna bua Gamsahang achi khu atangpi in Rom Lengte (Roman Emperors)te agenna ahideupen hi. Ajieh ahileh adiehin Rom lengte TEITAN, DOMITIAN leh NERO te khu Gam sahangte ahitheu uhi. Ajieh ahileha nnasepdan uh leh gamtat dante ban uah, amin uh kisuina uapat in no 666 asuahthei uhi. Ahin

dachieng in jong atahtah in ang um ding chi jong igintat dan uh ahithou hi.

Tuahileh tua UID toh kituohtheilou ahidan jong imutheita uhi. Ahin tam number 666pen ei hun nukhiaa um gingtute ihijieh un bangpen, koipen ahidiai chi itheisihna ua a process vang kipan toutouta ding in agingtat huai thou hi. Tualeh tuhun leh da chieng in jong aumthei jing ahi chipen imanghillou ding uh ahi. Ajieh ahileh Khrist doudaltu, Khrist sang a thupi jaw leh silbawlthei jaw akingaite khu Gamsahang din mun adingte ahitheu uh chi ei ama leh eima jong ikivel ding uhi.

Tualeh belamnou hinna laibu amin tuanglouten ajui ding uh chi Bible in ang hih hi. Ei belamnou hinna laibu a min tuangte ading in ajauhuai sih a ajieh ahileh Khrist in ajawtah jieh in dachiengin gotmun mei dil ah apailutna lai ding hi. Tuajieh in tam Gamsang emaw number 666 pou hing tun ding ijautheu va nuah uh leh eima-le-eimate hagaulam ah ikivel phat uh alengai josop ding hi. Mangpan simtute jousie hing gualjawlta hen. Amen.

Ahin tam UID pen dam sung dai ding ahituoh a navah mama in khatvei lah in sot daituoh mama hi.

6.4. Mikhat in card khat bou aneithah ding jie in nehguh tah guhn ajong hing tom deu ding hi.

7. TAM UID AZAUHUAL VOTLOUNA IEHTE.

7.1. Tam UID pen igensa bang un phuolpi solkal in 2011 kisimpina ding ang bawl uh ahijieh in mundang a iunaupi uh Khristiante lah ah gen leh sah aumkha vot sih hi. Adiehin eite sang a Khristian tamjaw leh hatjaw Kerela, Taminadu leh Karnatakte bang ah akija khavot sih hi. Eigam a ihichi buai na uh khu Mizoram a thutah saipawl/ theipawl in ang gen uang nalam ua hitan tung ahituah lel hi. Amautepen mite toh kibanglou pawl ahi ua eite toh jong isilmu dan uh kibanglou ma ding ahi.

7.2. Tualeh number 666 kihom ding hitalai jang leh Setan in jong ei India gam khelkhel za lah Khristian (10% (per cent) jong chinlouna gam ang jang kholsih ding hi. Thamlouin eigam sang a hause jaw leh changkang jawte ang jah angai ding hi. Tualeh tam UID toh kisai India solkal in jong gamdang toh kisaina leh kijopna aneikha sih a, thamlouin unau Mynmerte jong atheipha sih ua, India khuo-le-tuite ading liuliau ahijieh in tam pen number 666 toh kisaikhalou hi.

Tualeh number 666 pen ang kihom tahtah chieng in gamchin namchin amiten atang ding uhi.

7.3. Tualeh number 666 pen number kibang ahiding a, ajieh ahileh number 666 chita giagua ihichieng in. Ahin tam UID pen number 12 akibanglou ngentang ding ahijieh in number 666 toh kilekalvot hi. Tuaban ah number 666 pen atalpang uh leh akhutte uah abul ding ua, tam pen iut leh ikilah jou chieng in ibulding dan solkal in ang gen pieh sih a, iut leh ising kuang tokodop ah koi in idei chieng jang va hiau lei asietna umvot lou ding hi.

7.4. Thamlouin Khristiante ngaidan leh pomdan in tuhun pen Hagau Siengthou hun leh hattuumte hun ahilai jie in misiengthoute lahna (Rapture) ang tunjaw chieng a hun hamsa leh bawlsietna aumpan ding ahi. Tuahun cheing in Danbotsia pa ang kilang pan ding hi. Tuahun chieng in ang kihom leh jong Rapture nua piengtha louten atangpan ding ua, thamlouin a number 666 pen akihom chieng in mizousie in atangteitei ding ua, tua UID pen aut loute kiforce thei lou hi. Tualeh ei apiengtha tahtah a langamlouten dei lei jong kitang khalou ding hi ajiehpén Vangam pan in igal et uh hing ngaikhamo lou ding hi.

HATTUOM SONG A DAHHUOI MAMA SILTE

- Rev. Dongzathawng

Pastor hagau milou leh tahsa mi lah ah zong a tahsa mi dieh umhi. Pastor kihisah leh ki bawl thei sah lah ah zong a over smart bih um hi. Tualeh upa mawl leh buoi huoi lah ah zong a mawl dieh leh buoi huoi dieh um hi. LCC member aki pilsah leh gilou lah ah zong a gilou dieh um hi. Tualeh leader lungsim kawi lah ah zong a kawi dieh um hi. Lamkai lungtom leh nuabai lah ah zong a nuabai dieh um hi. Tualeh bawltawm leh Pharisai lah ah zong a Pharisai bih um hi. Tua “adie dieh” ichite pen hattuum in tampi kem kha ahi man in vangsiet huoi mama a, Ama uh toh sep khawm pen vangphat huoi leh guoljawlnan hi sam lou hi. Hibang tata ki not khawm na mun ihi jie un hattuum chu ahisel a, adam thei a, akhan phat a, ahah ding dan um lou hi. Keima mama zong tamte lah ah ka pang mama hi.

I Zogam sung a pawlpi te koi pawlpi thei sing ada huoi mama hih natna ivom i chiet ua koi a zong a hisel ka mu tuan sih hi.

Bee leh phung politics: UZO ahisah leh MLA/ MDC election vel chieng be leh phung a kikhenna aum leh zong a jia um deu hi. Nanleh UZO leh Election sang in Pasian hattuum, Khrist in a sisan aleisa, tatna zal a pumkhat leh Hagau a khat tahsa laiguizom ki matna sang a detzaw leh thuuh zaw te lai a bee leh phung a ki deisahna leh kihuo tuomna a um lamdang kasa a da huoi kasa mama hi. Pasian ha tang theipih in ka han hi, ken vang hagau lam leh

hattuum lam ah bee lungsim ka nei sih chi ka gen ngam hi. Ka min ban ah zong be min ka koi ut sih hi (akoite ka demna ahisah). Tuajiehin hattuum sung a be paite ka kidah a, ka mu da hi. Be tam jie a pawlpi a panmun sangpen kai chi te sil jum huoi tawp in ka la hi. I Bete Executive meeting a a tam jie a i ma vang chi vel hagaulam nasepna ah da huoi leh zumhuoi ahi. I innkuon khat Assembly a hamthei leh gen hat jie a Pastor appointment or ordination la thei ham ham chi bang lung kham huoi e aw! I pawlpi a abee tawmte office lam atou jou lou chi bang. Gangte pasal khat in hattuum Assembly zou in

“Kei uh biel lam ah Assembly kibawl leh kei uh a pa kai ding ahih a” chi hi. Chiemmuina abang na a i hin dan uh a gen lang mama hi. Kum sawtpi ZCC sung ana um Zou ham zang lou pasal khat Upa kitel lai in “upa kai theina ding in UZO support ka ngai hi” achi khia hi. Bee tamzieh a Upa kai, Pastor kai, office a tou thei ding chivel chu keivang ka ha ut maw e lawm lawm. Tualeh lamkai lienpa khat na be ahilou zieh a pawlpi a na thasiet a na dem dem leh nang be pa, nang support pa ang tou chieng abe lou ten against jel leh hattuum a pai hoi na diei leh? Aw a changkang huoi maw e lawmlawm.

Be leh, nei leh lam a ki en lou a Ama mihina leh Pasian mihina zieh a lamkai ing tel ding hun uh ngahla huoi e. Nang office lien khat or hausa khat na hizieh a Pastor, na beepa ching lou sasa lamkai lubawh khat a na tou sah zou leh abawl thei in kingai sin len milungsim neu khat na hi chi suh latna ahi zaw hi. Tualeh na khua satna ua nou phung tamzieh a na bepa local chairman or Upa a kai kai thei ahileh nou khua pen mi lungsim neutu khaw suan na

ahi chi kithei zaw in. Tualeh nang Pastor director/executive secretary na hi zieh a na bepa a chit zieh hilou na bepa ahi zieh a panmun khat a na guon zou tei tei leh a bawl thei in ki koi sin. Lamkai lung neu leh tahsa mi na hizaw hi. Aw igam bee ahi zieh a ching lou ding kiching sah teitei.. akai lou ding kikaisah tei tei...chite da huai kasa va ngua hi. Tualeh na mai a na beepa dhlou na thu aki gen ngam lou leh ki enpha in. Na bepa na gum mam china ahi. Na lal lai tah a na office or na inn a na bete ngen aki mu leh ki en pha in nang Pastor. Tualeh na bepa zieh a tua na umna pawl zop na hileh hattuum adia germ na hi. Na ki pil sah na kachi le hi na mot mama na khat hing gen vang. Na bepa or na sanggam pa chia kinei sah ah na gup a na gen phat phat leh ama it leh ngaisaang midangte delmang na hizaw hi. Na innsung mi khu midang genpha sah zaw in aw tu ban. Kipil ta in. Mi khat ka ngai sang mama hina pi apan ha puluh seng in igenphat ut na teng bei thei hi. Midang in a genphatna ding teng a pa or innkuonpa or bepan gen ta ahichieng midang ten a gensietna ding sui ngai ta hi. Na bepa or na ta pa midangten it in pahta hen na

angaitua chidan deute ihi uhi. Pu Penglam in apol jousie kamkei pawl asah ajau bang deu kihinuom mama hi. Tambang deuin, tutung a isil jau uh jong ijausang un ijauna uh khu dachieng in ei ading in hing jau huaijaw kha ding hi.

Tualeh tam kisimpina khu phuolpi solkal in India kholehtui simna kumsawm dan in ana nei leng uh toh kituoh in 2009 apat in nidang banglou deu in achangkan jaw leh chieng jaw sem ding lunggelna in Biometrics tungton kisimna limlah ang pan uhi. Unau Mymanten Matpong ananei dan uh toh kibang lel ding in agintat huai hi. Tualeh tam Unique Identification Number (UID) khu number 12 digits nei ding a bawl ahi. Tualeh ang pankhietu Mr. Nandan Nelekani pen solkal in jong patatmama in Cabinet rank hialpia in mopuohna aposah uhi.

6. TAM UID NUMBER NEI IN ATUP LEH APHATTUOMNA DINGTE ISUI DING HI.

6.1. India khuo-le-tui midihtah kitheina ding leh hina ding in ahi deu pen hi. Tuachin mikhat in ID card khat leh number khat bou nei dinga tam ineipen khu dam sung dai ding a bawl ahi. Ei India gampen democracy ihi dung jui in gam zalen ihi ua, India population jong

tuban tomnou kalsung a China sang a hingtam jaw mai ding in akilang hi. Tampen mikhat in vote ni vote thum inei lemlum jie h ban uah phalna neilou a igam ahing lut gamdang mite jie h ahi hi. Ahin tam UID ah adihtah hing kitheita ding a ipopulation jong hing tom huai maithei hi. Thamlouin, igam uah gamdang mi phalna neilou hing galtaileh adieh in migilou hing kibute lah apat in jong agam mileh sa dihtah hing kikhen tel theita ding hi. Ahunpet a i neisiha leh da chieng in tamte hing kisuitahtah leh agilou leh foreigner list ah ilepan kha maithei hi. Tuakhu ajauhuina khat hilebung ding hi.

6.2. Igampen mijong gam ahiban ah solkal in mijongte panpina athu in penanle uh asumpen mihausa leh asaite gilpi ah lut in athu maimai akipanpi ahitah jie h in ajongte jong deudeu hi. Tamte tungton in ami dihtahte ang piehtheina un van jah hing hikha molou ding hi. Thamlouin dachieng tamte neite loan, panpina dangdang, driving license, Tribe leh income certificates, bank account honna leh sepna suina ding in hing pahtuum ding hi. Aneiloute buaile bung maithei uhi.

6.3. Tualeh identicard dangte khu ahun nei ahi renew lou leh ashi jeljel ahijieh in sil buai huai mama ahi.

Tuaban ah Rom Leng (Roman Emperors) zousie khu Gamsahang bangin hinanleh uh Nero-Domitianta bou khu Kihilna geltu in angaidiehte ahi uhi. Tuaban ah ki sawn leh lusagite khu tamte ahithie uhi.

LUSAGI	KISAWM	ALAL KUM UH
1. Kaisar Augusta (Octavianus)	1. Kasar Augustas	B.C 27-14 A.D
2. Tiberia Kaisar	2. Tiberea Kaisar	A.D 14-37
3. Galegula (Gaius)	3. Galigula	A.D 37-41
4. Klaudia	4. Klaudia	A.D 41-54
5. Nero Kaisar	5. Nero Kaisar	A.D 54-68
	6. Galba	A.D 68-69
	7. Octho	A.D -69
	8. Vetelies	A.D -69
6. Vespasian	9. Vespasian	A.D 69-79
7. Titus	10. Titus	A.D 79-81

Tualeh lusagi lah a liampen khu 5na Nero khu ahi. Agietna ding ahing lal khu Gam sahang khu Domnitian ahi.

4.Ahitah leh tulai hun in gamsahang koi atadiai le?

Igensama bang un masang apat in Khristiante lah ah gamsahang kingona leh kidemtuana um jing hi. Tualeh Gamsahang number suitu tamtah in Popte, Martin Lutherte, Calvinte, John Knoxe, John Husst, Hitlerte, Mussolinete, Nepoleante hisah anasawm uhi. Thamlouin WCC leh UNOtanpha hiding in ana ngaw uhi. Ahin tamte ahikei sih ding chi khu ipomdan uh ahi hi. Ajieh ahileh Gamsahang khu Khristian ahisih ding a thamlouin Khrsitianta melma leh

Pasian doudalpa ahiding hi.Tamna igenten tunitan in Khristiante adoudal sih ua jong Pasian thutah toh kikal in agamta naisam sih uhi.

5.AHITAH LEH UNIQUE IDENTIFICATIONNUMBER(UID) LIMKILAPENKHU NUMBER666 TOH AKISAIKHA DIA LE?

Eite pen zaudingte jaulouin jaulou dingte jau kichilei ichi khiel sih ding hi. Etsahna ding in, Pasian theikhollou khat achang chieng a zudon thei khatin avah jolou ding ta tampipi anei ua, kicontrol deuta un chita lei, Pasian in hing oisihva chi in Pasian thei ngelloute bang ipang thei uhi. A Pasian thuhath jong hikhollouin ata tomnei ding pen tah Pasian in oilou ding bang

chi leh nang daidi de in len ki kang koi in mi maw.

Upate leh Pastorte Kaal:

I gam ah siengthou tah leh (be thu leh vote sui lou china)ama chitna mawng mawng a Upa kai leh Pastor kai bang jat a de aw? koi koi ade aw ka thei ut e? Abul ana dih si atu in aga khaa leh muot i ne ne tau hi. Tuajieh in I gam ah upate kal leh Pastor kal adam thei lou hima huoise tah um hi. Pastor leh upa kituh mama na hattuom chu aen huoi himai hi. Upa ten “gimteng tawl teng ka tuoh ua, hattuom kana phukhiet uh. Nou Pastor te tolop sang a sem mai mai bang e na ki phatsah uh” chi ki paupi uhi. Pastorten “Upa te mawl seng seng uh gen pi lei zong thei but lou ding uh. Ama ngaidanlou leh thu lou phot pamlou. Nuahat in lungtom nailai. A paidan/ngaidan lui uh a topsan masia uh hattuom khang ngai lou ding” chi ahi. Upaten ana seppi pen uh khu Pastor te soisah ding leh asepteng dal a alampi a din diing hileh kilawm. Pastor ten lah Mang nasep ding hijat laia upa lungkawi leh nua hat khat va kup kup sang in abawlthei khat officer khat va maipha et nuom saw or alung kituohpi numei

naupang teng toh kithua nop sa zaw. Upate leh Pastor te bang chileh team work in team Spirit toh Zogam ah na isem khawm thei diei? Ken zong thei sing. Atheiten hing gen mai un.

Sap gam ah pen Pastorte chi dan dan in a elder board or deacon boardte gamtang hi. Pastor pen coach din mun ah pang uhi. Elder leh deacon boardte pen hagau mi thei mama ua bangchi leh Pastor ka ja thuop thei in ka liakhu thei diai chiin pang uhi. Ahi Zou te leh Sapte kibang sih ma e. Khum elder board lah ah Ph.D, Scientist, Journalist, Company manager, Dr, CEO, etc te imu chieng “aw hibang mihausa leh jatathuoi ten bang chidan a hia Pastor mai mai khat ahi chi gup ua ahi chi thuap uh ade aw” chi i ngaituana in baan lou hi. Mun khat ah Pastor khat toh ka ki nial ua, angpanpi dive aw chia ka lawmte kung a ka share leh khatbeh in ang panpi sih uhi. Tunin khum hattuom apat mitampi ki top uh nanleh tuni tan in a Pastor pa deisih nan leh uh a gensia nai sih uhi. Pastor pa adei lou uhleh lungdam tah in bihinn dang ah ki suon uh a, thusia la sia nusia lou uh hi. Pastor ten zong

hing kidei nonlou chi aki thei uh leh committee te ngaitua masang in piching leh dam tah in ama uh ki ma tawp lel uhi. Ka professor pa khat in “na hattuum ten nipi ni jing worship service nang umlou a abawl thei tah uh leh khum hattuum ah nang na poimaw non sih hi. Kei ka mot dan ahileh Pastor ka pan chiil lai pot chaang ka na thei sih hi.” Achi hi. Apoimaw pen chuh I dinmun, Pasion hing hatna leh talent iki thei lou jie leh hagau lam a i mitvah lou zieh, ichangkaang lou zieh leh imot zieh uh ahi deu pen hi.

Pawl hagau: Bang ding a mi na hattuum a umdia na jawl jawl lah? Ahinglut jou sia tangtawn hagau nang na maw paw ngap e? Nang pawl ah hing lut leh ahing a Vangam kai ding ih? Na pawl alut phot nasem lou a Voh bang a na vah thau jou ding ih? Ahisih leh bang na thawm hauna mi na chiel chiel lah ? Hibang a thawm hau a mi ang lutlou leh hing zou lou ding na hi uh leh bang dinga tua hattuum um um lah?Ahisih leh mi nidang lai bang a gal a kisat tua ding in mi ka tawm seng uh chi namah? Ahisih leh hattuum member atam lou leh UZO leh

MLA election ah kihat sih va chi na mah? Ahisih leh na pawlpi uh sum tasam senga sum pe ding mi sui namah? Ahisih leh mishi chieng a midangte mu dia ama uh hattuum mama ashi dan uh thupi e mi zong tam mama” chi ja utna mai amah? Unaute Khrist ading in mi sui vai in, Vangam lut ding in mi zawl vai. Mi sum it sih vai in mi hagau itzaw vai. Mangpa kung itun chieng a pawl pawl in kitung khawm lou ding a mimal mal in Jesu i pawm leh pawm lou ah kinga jaw ding hi. Nou pawl te palai bangzat hing pai thei chia ki hatna um lou ding hi. Unau nang upa, nang Pastor thaunu khat pawl toh buoi maimai a hagau lam mu ban lou na pawl mai buoipi na hileh Pastor camp ah va ki en thah in. Hibang Pastor leh upa i gam in inei khah pen vangsiet huai mama hi. Na hagau hinkhua ngiam dan etsahna ahi jie in vangsiet huoi hi. Pawl pen Thugin zieh a zop or kipieh ding ahi. Bepa Pastor hizieh leh ina um ngaina pawlpi ahi jie hila ding ahi. Tuni i pawlpi chiet ah shingam in ipang na ua i pawlpi thugin leh paidan zong thei lou mipi te gen lou Pastor, Upa zong ki tam mama nalai hi.

uh khu jong Greek ham in *KAISAR THEOS* ahi. Tamkhu jong number 666 asuahthei uhi.

Thamlouin Pawl khenkahtten POPE Lallukhu tung a Latin ham a laiteng kigel *VICARIUS FILI DEI*, aumzie khu “Khrist sihlehtang/ palai/aiawh’ china ahi. Tamjong asuichieng un ‘U’ khu ‘V’ in aheh ban uah akikimpi umloute blank akoi chiengun number 666 ahisah som teitei uhi.

Tambang in

VICARIUS	FILI	DEI
V-5	F-	D-50
I-I	I-I	E-
C-100	L-50	I-I
A-	I-I	
R-		
I-I		
V-5		
S-		

Tuaban ah mindang khenkaht jong i enkia ding uhi.

ARNOUME NERON	H I T L E R	
A-1	H - 1 0 7	
N-50		
R-00	I-108	E-6
N-50	T-119	0-60
0-70	L - 1 1 1	
N-50		
U-400	E-104	
M-40	R-117	
E-5		

I Gom leh tam minteng thum jong number 666 potheichiet moh uhi.

Tuaban ah number khenkhatte in hina neisah uhi. Etsahna dingin number 7 khu number bukim leh Pasion number ahisah uhi. Number 3 khu van lam number in angai ua, thamlouin number 4pen ahileh khovel lam number in angai uhi. Tualeh number 6 khu mihing number ahiban ah adiehin tahsalam asilbawlthei mihingte number genna in ajang uhi.Tuachiin number 666 ngelpen ahilehvang mihing tahsalam, Pasion dou jiah a Pasion akibawl hialte genna in ajang uhi. Tualeh ithei ding uh ahileh amin uapat gam sahang hilou un atanchin uh leh annasep ua pat ahijaw uhi.

3.Ahitableh Kihilna laibu a Gamsahng number 666 koi atadiaile?

I gensabang un tam Kihilnabu gel lai in Greek leh Hebraite bou khu number sutna ding in akijang uhi. Tualeh Kihilna bua Gamsahang achi khu atangpi in Rom Lengte (Roman Emperors)te agenna ahideupen hi. Tualeh Kihilna bu a kisawm achite khu Kaisar biehna kipat hun apat a Leng, Kaisar Augustas (Octavianus) apat kipan in, Titustan ahithehi hi.

khu laiteng 22 apha hi. Amasa 10te khu number 1-10tan simnan ajang uhi. Aban a giat (8)te khu sawmni 20-29 simna ding a jah ahikia uhi. A dang 4te khu zabi 100-400 simna ding a ajah uh hi. Tualeh Hebrai alphabets khen khat k,m,n, p,s, (tz)te khu thutheng topna ahichieng in geldan dieh *final forms* anei kia uhi. Tualeh final formste khu 500-900 simna in ajang kia uhi. Number 15 geldan 10+5 (YH) jah ding ahi. Ahin, Hebraite Pasian min YAh genna ahijehin 9+6 (TW) ajang jo uhi.

Tuamabang in Greek alphabet jong khu 24 ahi. Hebraite mabang in number 1-900 genna ding in ajang uhi. Tuajiehin, a alphabette un adailou jieh in alphabet ban ah alah/zetel anei leng uhi. Tuatete khu Stigma=6; Koppa=90; Sampsi=900te ahi uhi. Tualeh thei kia ding ahilehpen Bible gam ah number khu ahitah a jah ahilai in akhenchieng in jong akim sipsip a ajahtheilouna uh jong aumna lai hi. Etsahna ding in, mun khen khat ah khun ni 40 khu ni 40 chiah genna ajah lai un, akhen chiengin hunsottah genna in ajang kia jel uhi. Tuajiehin, tambang number hilchetna bawlna tungtang ah pilvan angai mama ban ah ajah dan uh theichien jong angai mama hi

Thamlouin, Bible thutah hilchien ding in ahunlai mite silngaitua dan leh lungsim puahdan, atenna khovel a siltungte tanpha thei a sut angaita hi. Tamte theichienlouin Bible thu in

atup leh ngimlou lam a hilchien khielthei jong ahi. Tualeh Biible gam mite khun a alphabette un number sutna in jong ajang jeljel uh chi jong igente uh thei komin ajahdan uh isui ding uhi.

Tuleh Kihilna laibu gel hun lain Roman Number khu akijangpen khat jong ahi. Tunitan dong in tambang in ajang ua-I, II,III, IV chiin igel uhi Tuachin LV-50, C-100 chitein agel uhi.

Tuin Number 666 suahtheina ding ageldan uh leh aminte isui ding uhi.

Patmos Tuikul gam a Johan tangsahtu Dimitian lengpa khu TITUS DYNASTY mi ahi. Titus Dynastry khu Greek ham in *TEITAN* chiin akigel hi. Tamjong number 666 ahithehi. Ajiehkhu tambang in gelta lei: T=300; E=5; I=10; T=30; A=1; No+50 =666.

Tuabanah Nero khuleng gilou mama ahi a, thamlouin, Khristiante asugenthei mama hi. Ashinua ajong hingthoukia phial ding in agingta va-ia uhi. Amin *NERON* ahi a, Greek laiteng a koi ahichieng in N=50; E=6; R=500; 0=60; N=50; = 666 asuahthei veve hi. Tuaban ah Rom Lengte khu *NERO* apatin Pasian in akigen uhi. *Pasian Kaisar* achi

Mangpa leader hing pia un ahing in ka gou vam ding uhi:

Tua igen nop ahileh I pawlpi te uh neu in tawm nanleh i leader te uh ana baa vevaw uhi. Thadou ham in “ana gepset” uhi. I lamkai masate ana lel pi mama uhi. Ka gen zel a midang E/S or E/D te zong a chit biih leh siem biih ahi sih uhi. Amipi or seppi ten thumandan zatatan a zil uhi tuakhu i ki khietna ahi. Bangalore a ka Bible zilpi unau Nagate khenkhat mawl mama himi in bang a bawl sawm e ichi chacha te khonung in Church member 1000/2000 lah a local Pastor vel ahi uhi. Bang jiehi adiei? Ama un lamkai zui ua tawsawn ua eiten Lamkai inuakaih hi.

Tuajiehin Lamkai dei in bee Politits khel in akailamte lah kipah mama akailou groupthe thangpai in Assembly kia ding plan bawl pan uhi. Hinanleh Zogam a hattuum lamkai ding khu a hing a hing ki gouvam ding bang a kisa khol ding ahi. Kargil a galkap ten bonus amuleh bang dinga Zo namte lah a Pastor leh leader ding in bonus mulou e? Fair lou aveh! Leader-te kung a kavaiah na ahileh na thei tawp in na zi na ta enkol man lou zen

in na pang dinga, na mi na sate akipah mama ding phattuomna tampi na sep khieh te jiehi in ang pah ta mama ding ua Van vum ah ang tawisang ding uhi. Nanleh nang sep zou nonlou a na sepna ang fuh nonlou chieng in azal zou leh na deisah a na siemsiem teng khu nang hing tawlem in ang pang ding ua, nidang a na maipha en a kam sathau bang a zawl te khu nang gensia in avah kawi kawi ding uhi. Lingsut bang in ang sun ding uhi. Dawm lou in hepina bei kei in ang soisah ding uhi. Tua chieng na sepsa na khutsuoh te na ending a ‘aw hibang lel ta ahimaw? Meitei te paunah in “semsem rega jawng manleh” chi uh khu atave maw chi in kiasiet tuntun nanleh chin zong akichai ahita. Nang pen thulah lou in ang kipam khiin ding hi. Hattuum khanna dinga kum tampi na research leh na vision te khu Upa vaihawm nang sang a piljaw leh siem jaw ten nin bawm ah ang paisah ding ua, koima thulah lou lamkai lubawhpa na hiding hi. Koima na silhoibawl gen a houlim a umsih ding a na bawl khiel neu nou noute thu lianpi pi suohsah ding ua, na pai pai na ah dah ngam lou in ang koi ding uhi. Tami ahi na goutan leh

na lemlaw ding bonus kigen gen khu. Kipah huai e!

Khujieh in keimu dan chu I Mangpa Jesu ngel in zong Zo gam hattuomte hing makai leh a lung tang na ngawingawi in hing taisan va ka chi hi. Ajiehpén Ama itlou a jatat lou namte ihi jieh un Ama suahten zong a mun nei lou uhi I gam ah. Israel ten amit amu ua, akhut a tham khah deh deh phiel Jehovah Pasian ngelzong muangla leh gingla in Je et mial mual a Pasian lungthah na tuah tou mial mual uhi. Lamkai Mosi gen thei dan chuh Pasian kung a shi ding thum top hi (Num 11:15, Exod.33:15). Israel te leh eimi namte thukhel, gingla, puihah, phunnawi, luhlul nalam ah I ki ha bat mama uhi. Nang leader na pilvang lou leh na peon or na Chowkidar khat zong housie kha le chin a be aphung te khawm a na touna apat ang kaikhiah thei gige uh ahi kipil vang mai in. Ahisih leh pawldang a ama bawng teng toh lut thei uh ahi. Mi zauhuoi ngen toh umkhawm na hi chi kithei in aw.

Kipah dan theiloute ihi uh maw?

Kipah dan thei lou mihing te sapsapah zong eimi namte i uang diah in ka thei hi. Israelte kipah

na chaang thei lou a phun phun ua Pasian a je et etdan uh igen ta hi. Pasian hoina leh guoljawlna te kipah thu gen na toh lehthuh sangin Pasian sulungna semsem uhi. Pasian in Israel tate kipah dan thei louta lawm dan chuh gen bei thei lou hi. Jawlneite laibu sim lei Amite kipah dan thei lou zieh a Pasian lung tang natna leh thangpaina ngen in dim hi. Pasian lungtang anat leh ajawlnei tah tahte lungtang zong anat ding theisa ahi. Mi hausa khat in a suoh taga khat khawi a a itseng a, adeisah seng a atapa bangin a vahlilan hi. Nanleh atawpin khum suahpa in apu pa a inn pi apat delmang a, atapa dihtah pen zong that hi. Apupa lungtang nat ding dan maw? Eite hibang ngen ihi. Apu pa zieh a mi khat suoh chia bat nei dan a damsung a hing ding hina pi apu pa hoina khu sil chijat huai tah in le thuh hi. Pasian tung a ikipah thei loudan mai uh hilou in imi hinpité, i chi maw lai a hing panpi, i poimaw lai a va bel, i guohtan lai a hing khukhum, i mittui luong lai a hing sieh hulsah, i gilkiel lai a atang hou hing na hawm sah, i tangkhat lai a igei a hing na dinpi te tu hun i chi thei hun a ama uhte i hin khua ana um kha lou bang i du

BIBLE A GAM SAHANG NUMBER 666 LEH INIQUE IDENTIFICATION NUMBER (UID) KIBAHKOIVOT LOU DAN THU SUINA

.....Rev. Hangpi Manlun D.Th Student

UTC, Bangalore

1.Thupatna.

Awle, tutung term break sung (August-September, 2011) a innlam kang pei jual lai in India phuolpi solkal in Unique Identification Number (UID) ang pat uh toh kituah in limlahna nnasep angpanta ua, tuanah adieh in i Zodawn ateng imi isate un bang vision na mu uh e, i Bible a number 666 kihompatna ding hita chi in limna la ngamlou in kalah sang in sipi maitavang chikhop a napang pawl ban ah, akila sunsunte jong chitun kom leh lung-op kaina lien tah toh aum ban uah, tamthu khu mite houlimnapi khat asuah ta hi. Tuajieh in tami thupen gel utna lientah ahing neisahta hi.Tampen silumdan theisiemlouna leh mawlna jieh ahijieh in dahuai vot chiloungal gen ding aumsih hi. Tualeh Kihilnabu (Revelation) bung 13leh bung 17na Number 666 toh metmat moh ihitahchieng un ania agenkhom hoi dingin jong kangiaitua hi.

2.Gamsahang Number 666 kisimdan suimasa va ui.

Tam number 666 thukhu tulai mai hilouin hattuom kipatchil lai apatin mite buaipipen leh mikhenkhatte ngel in vang Bible thupipen in jong angai va-ia uhi. Thamlouin, Pasian thu siemte leh pawl tuomtuomte jong ngaidan leh pomdan akituohsih a; adiehin gindan dihlou Pawl neu khenkhatten Pawl dangte demna ding leh apawl ua mite alutna ding in jong van jah in ajang nalai uhi.

Tualeh Bible gamah khun alphabets (A, AW,B, C)te khu Number

simna in amang uhi. Tuabang numberte apat in mihing min emaw thu umzie nei khenkhatte asuikhia uhi. Tuabang sutdan khu Hebrai ham in *GIMTRIYA* achi uhi. Tuami akipat in English a *GEMATRIA* achi uh ang pieng khie hi.

Tualeh Gam Sahang number hing kipatna isut dingua ahileh Kihilna (Revelation) gel hunlai a number asimna ding a ajah uh Greek leh Hebrai laimalte apatbou a kisut ahidan itheimasah ding uh ahi. Tuajiehin Hebrai alphabet

Pasian lungkimna ding sui sanga eima lungkimna ding ngaituote genna ahi. Tam bang miten pahtatnate angaisang ua, Pasian lunglam asui sih uhi. Pasian leh agam khantouna ding sangin ama inn ten leh ama khankhuo ding mai a ngaisut jawta uhi. Tam banga hinkhuo mangte khun mite phattuumna ding sangin adaljaw ua, mite kpalpuohna alesuo jaw uhi.

(3) Akivonna ding uh: 3:8,9: Paul in lamkai tahlou te khu Janes leh Jambres toh a khaikhin hi. Amaute min khu i Bible ah kilang khasih nan leh, Khristian masate gendan in Mosi in Pharo masanga chiemtena s il kidang abol lai ah khun amaute gel in mitphial dawi a Mosi silkidang bolte khu ana teldoh hi. Ama un Pasian nasepnate khu a dalzou tuom sih uhi. Pharo zong khu Pasian thahat amuphetin Israelte khu Egypt apata pot ding in aphalta hi. Amaute hinna khu Paul in tam bangin agen hi.

- 1) Thutah doudal a pang ahi uhi.
- 2) A lungsim uh asesah hi.

- 3) Tahsan na lam ah Pasian deiloumi ahi uhi.

Amau leh tam banga umte tawpna ding Paul in tam bangin agenkia hi.

- 1) Gamla tatah a mason lou ding.

- 2) A ngolna uh khu mi zousie kunga kigenlang ding ahi.

Thuzawna:

Unau ngaitah, tu in na hinkhuo mandan Pasian angung ah ki enpha in nang leh kei khu hun nukhia a um ihita uhi. Pasian deiloute apat na umdan te enpha inlen Pasian kungah kisia in kinuahei in. Mipiangtha te khu tambang umdan hoiloute apat kihemmang taken. Pasian lungkimna lam bang e sui un. Pasian tate khu Pasian umdan bangin um hen. Thum kawmkawm in na Bible sim inlen, Pasian deilam sui in. Mihing pahtatna sangin na Mangpa pahtat ding khu del in. Aman “suohpha tahsan um, na bolhoi vele” ang chi ding khu del in.

ithe i ham uhi. Tam pen khel na ahilam ithei ta uai?

Akhen pen ahileh achimaw lai a ana poimaw mamate amang hil mai hileh a jia um van, mang hil chuh nepte ahin khua ling leh khau bang a adot tu in pang ua, guohtang khaai kaang masa pen in pang ua, suong a deng masa pen in pang uhi. I Mangpa Jesu ngei zong ana adamsah agilkiel lai ua avah te mama ahi Cross ah khailum un cross ah khailum un chi a kikou te. Judah lengte hun ah zong hibang mi maw khat um hi. Siempu Jehoiada in naupang khat hoideu in enkol a atawp in kumpi hithei ding khop in siempi ching hi. Nanleh atawp lam in tua kumpi in Jehoiada tapa jawlnei Zechariah khu suong in sep lum sah hi. Tua leng mawpa khu Joash ahi. Pasian thu in hibang mi kipah dan thei lou pa khu tam chiin chiemte hi “Kumpi Joashin Zechariah pa Jehoiada atung a hoina khu a geldoh sia, nanleh atapa athat hi.” chiin record ahi (2 Chronicles 24:22). Pasian tung chi lou i mihinpote tung a kipah dan thei loute ihi dan uh ka mu khia semsem hi.

Vaihahna: Tunin koima mimal kakawh sih nanleh akiman kha a um leh Pasian min ka phat hi. Bangkim im im sang in kisia in

tawp san leh masawn ding ihi. Midangte eisanga Pasian mu zawte bawl dan, kipui dante zong jui chang thei vai. Tualeh amawl huoi changkaang huoilou ichi te zong pai khiet dan thei lei khantouna ding a step hoi mama hi. I kipilsah, i luhlul nate uh khu a mawl man leh theihlou man hijel hi. Hattuum ki vaihawm dan leh nam kivai hawm dan akibang lou ahidan zong thei ta vai. Mangpan hattuum dam na ding leh hatna ding in na bee lungsim hing lahkheh sah hen lan. Pastorte leh Upate zong Jesu servant leadership model a nei in semkhawm thei ding in kingainiem na lungsim hing pia ta hen. Tualeh hagau lam mittaw Pastor, pawlpi hagau a ki Baptized te zong hing piangtha ta uh leh ut huai hi. Mangpa i kituahpi lamkai hing piahte jieh a kipathu gen in ama uh tawsawn siem a kemsiem ding in Mangpan lungsim dih hing pe ta hen! I Pa Pasian guoljawlna leh hoina te alung tang natna ding in jang sih vai in tualeh imi hinpi I chimaw lai a lungsim sieng tah leh lainatna toh hing na tuatute zong ama ading ling leh khau adot tu hida vai. Leaderte Pastor te zong ha laan in ki laan pha vai! Mangpa simtu zousei A hattuum hiselna ding in te guoljawl ta hen!

SANGNAUPANGTE ADING A POIMAW KASAH KHENKHATTE

- Suanlyan Tungnung
Zomi Colony

Tulai igam i-etleh kitha-kimat, khamthei-guithei, kisiet-kibal etc in a dim ta hi. “Nang shi inla kei hingvang” chi lungsim neingen hilehang akilawm ta hi. Tuaziehin sangnaupangte ading in igamuh mun zauhuai mama asuohta hi. Hinanleh, tam mun zauhuai apan isuotat thei nading un panlah ding dan neukhat kikum vai.

1. Gam-le-nam itna: I pienna gam pen itding, kepding ma ahi. Hinanleh igam itzieh a laivuonna a failed pen deihuoilou hi. Fail munseng in skul kaipei nawnlou in, atop a’gamvahpawl/singnuoimi’ apang chivel gam ngainat zieh ahi koi sih hi. Inam leh gam i-iit a, ingaileh ‘officer lientah khat hing hivang awle’ chi a khapet jen a lekha sim ding ahi. “The pen is mightier than AK 47” chi thei vai. Tua hilou a hotel leh khodung-khovai a gam ngainat pen in phattuumna ahing tun sih ding a, lamkaite bandh bawl chieng a VOLUNTEER lah a liempawl a pan thei ahi. Ivang asiet leh vashi khah thei hinalai.

2. Internet, mobile phone leh social networking sites: Ummun a ut-utna ettheina internet ineita uhi. Thamlou in mobile phone taangpi azong internet a ettheita hi. Azahna dihtah a iman/zahlou chieng in igal (enemy) lienpen asuoh hi. A himhim thu in internet na surf chieng in bang site ah nalut mun pen ei ? Lekha thotna (mail) maimai a nazah e, article poimaw tuomtuom lahna in nazang ama ? Nang-le-nang kithei vateh.

Phone khu mi toh thupoimaw leh kinkhat kithuzah tuona a zah ding ahi. Laisim subuoijen a message giel nading ahisih a,

thuneinate suong mite ang um ding hi.

5) **Mite simmaw:** Mi thunuoia um nuomlou, mi zousie simmaw a, vaihawm te thunuoia a um utlou leh umpeilou te ang hi ding uhi.

6) **Nuthu, Pathu manglou:** Naupang mengnou ahi apata nu leh pa thumanglou te khu amau ut dandan a umte genna ahi. Tambanga hinkhuo mangte khun anu leh apa tung ah kipahna malmal neilou china ahi.

7) **Phatna ngaisahlou:** Pasion phatna leh mihingten atunga silpha bawl zong donlou, silhoi bol zong theilou, ahoi zong ngaikhohna nei lou te ang hiding uhi.

8) **Lungsietna neilou:** Midangte lungsietna leh khotuona neilou.

9) **Kihou lemtheilou:** Mitoh kihau hau mai ding dei a, silhoi deilou, mihingte toh kituoh dildial tengkhawm udlou.

10) **Migensiethat:** Midangte ahoina sanga asietna lam

mai gen a suhminsetah a umsahte genna ahi.

11) **Kisum lou:** Tahsa neh leh dawn leh adulam, abawl ud lamlam a ki dehlou tah a aud aninga bolte.

12) **Kiliensah:** Midangte musit a, amau kingaisanga sangtah a kikoi te.

13) **Pasian ngaisah sanga tahsa nopsahna ngainatna:** Pasion sanga tulai Vanneyia mangthai ding silte ngaina jaw leh nopsahna ngainate.

14) **Pasian ngaisah khem a kibolte:** Pasion in a hinkhuo asiemphat ding sanga sum leh pai, lamkaina leh minphat ding sui, amaulah Pasion anga kisiem phat ding donlou te.

(2) **Atondan uh:** Atunga kigen banga umte khu umdan didng tampi gen ding um nanleh Paul in kichientah in agen hi. Eden huon ah Setan in Evi a solpuoh ma bangin tam lamkai tahlou leh tahsan ding tah zong hilou te khun numei te leh mihing neute a sol ua, akhem puoh gamta uhi. Lunglutna kichi mihingte nopsahna tahsa nopsahnate, eima deina lam lam a peinate

NI NUKHIA LAM A MIHINGTE UMDING DAN (II Tim. 3:1-9)

- Upa S.K. Khama, Patron, Central Church

Timothi kunga Paul laithot khu A.D 67 hunlai a ana kithot hitananleh tulai eite khanga hattuomte digna zong kihilna leh kihautohna hoitah ahi. Eite umdan ding Pasian hagau siengthou theisahna zal a Paulin ana gen masah ahizaw hi.

- 1. A um dan uh - 3:1-5
- 2. Atondan uh - 3:6;7
- 3. Akivonna uh - 6:8;9

(1) Aumdan uh: Hun nukhia lam a lamkai tahloute um ding dan leh tahsan louna lim a um dan ding kichientah a Paul in ana gente khu abanban in aneia bangin envai:

- 1) **Ama maimai kingaisangte:** Tam hun nukhia ah khun min Pasian leh asiemsa mihingte ngainatna sanga mihingte khu amau kithupisah, alienpen a kingai, aneu leh amau kingaisanga, amau uh leh amau a kithupi ngai in akiphat ding uhi.

- 2) **Sum leh pai ngainatna:** Hun nukhia lam chiengin sil dang teng sangin miten sum leh pai angaina zaw ding uhi. Mihingte hinkhuo khu sum in hing thunun va un, tam sum muna ding ah koiman silhoilou bawl khawh angah lou ding ahi. Sum leh pai muna ding ahiphot leh aloi aguol te manthaina ding leh sietna ding khawh angah sih ding uhi.

- 3) **Nopham:** Mihing chia ama leh ama kisuong a, midangkhawhsahna neilou a ama maimai kingai sanga, a ut tantan a gen ding a, midangteng sanga sangjaw in aki koi ding uhi.

- 4) **Husie leh Thagum zang:** Atung amite zatatna malmal neilou a, kisia a kingaituo sanga, sil sebawl te akipahpi zawsop a, thagum suonga

nungah/tangval ummuong khat suhbuoi nading zong ahisih a, nungah guohtanglim chivel leh film FUH deudeu koi nading ahi sih hi. Phone in nang ahing control ding ahisih a, nangman naphone napoimawna a nazah ding ahi bou hi. Na houpi ding nalawi-nagual, na nu-le-pa innmun a um ahi ua, nichin in na houpi thei hi. Phone sese angai sih. Message nahah gige nu/pa na inngeite zong hithei nalai. "Ann nane tai" chivel kam a kidoh thei ahi a, phone jah ngailou hi. Muntuam a umte ading in apoimawna a um a, hinanleh innlam a nu-le-pa sang a midang houpi tam khu buaina kipatna khat ahi.

Social networking sites - facebook, nimbuzz, twitter etc khu mitoh kimeltheina in aphatuom hi. Akhoh mama khat chuh iphattuom nading sang in ihunsuhbei atamzaw gige hi. Thu namanlou khat a mitoh kinielna, lim thanguoi koina leh addict a sum tampi seenna khat ahi. Tam networks a siem mama a nehmu nading a umsih hi. Hinanleh IT engineer khat nahi leh sildang ahi. Atangpi a genin sangnaupangte ading

in aphattuomna a tawm mama ding hi.

- 3. **Social gathering leh khawmpi tuomtuom:** Hattuam a kidem chivel ihat mama nalam uleh i-talent khat uh ahi. Khawmpi a hawlouting sangin examlou utzaw bang ki umleh kilawm. Tupna neitah sangnaupang nahileh tam social gatheringte ahungiep a kihel angai hi. Atangpi'n khawmpi leh function tuomtuom a hawte LEISAN manleh NOPLEEN(enjoyment) utman a haw ahi uh. Pasian pen secondary ahi. Khenkhat lah LAMKAIPU hi utman hinalai. "Kou hunlai a lamkai a kapankhah inchin, mi hing theilou umlou" chi napi a, tuchieng a lah respectable job neilou pen sil zumhuoi mama ahi. Sang naupangte FUTURE LEADER ding ihi ua, PRESENT LEADER ding hilou ihi. Kilamkaisah tasengseng in lekha sim manlou, atawp a fail. Bang phatuam hita ? Picnic bang ipai ua, JU pen dawn teitei ding, adawnloute NUU TALUA(unfit for decent society) kichi nalai. Tam sil neunoukhat dan a nakoite apan in sietna ahingkipan

a, na douzawlou chieng in na nualam apat 'KHAMTHEI BAWLPA/NU' ahing kichita hi. Koima lah ngawthei hilou, a thuhtu lah ei kihi veve hi.

Numeite'n 'COMPLEXION HOINA' ding in Relipen (RP) ahing nepan ua, koiman kithei khalou. Ahingi addict ta a, addict ahilam kitheinailou nalai. Akipatna 'meelhoi utzieh' ahi. Bangding a meelhoi ut? Melhoi a utlou koi a um diei? RP neeh zieh a MISS KUT, MISS ZOMI, MISS MANIPUR etc title la kigenkha umnailou hi (Awleh, kathei khiel adiei mah!). Atopna chuh skulkai nawnlou ding in, pasal neiding china ahita. Mi innsung susetu a pangthei changchang isuoh giep uhi..

Sangnaupang lawching ihi utleh conference, picnic, lazil, khawmpi leh lekhasim subuaithi ding activity tuomtuomte ah hapanseng da vai. Ipanhun hingtung nava.

4. Games and Sports: “Lai

simsim a kimawl ngailouna in Jack mithasie asuo hi” chi imu hi. Hinanleh eipawl kimawldanpi- sum muna khat lah hilou, minthanna lah hilou, hun suhbeina maimai khat ahi. Kihamawl sengseng nitah a lekha sim zoulou chivela ei-le-eikiphath zaihzaih nalai! Kimawl ilunglut leh profession a neithe ding a kimawl ding ahi. Ahilou vanglah leh ahun theiding ahi. Tournament chin a pang, zaw chieng a ALOPNA ding a JU dawn, zawlou chieng a SIETBATNA ding a JU ma dawnjel, atawp a JUNGOLVEI suohtheih ahi. Tulai “Jack of all trades, master of none” kichi pai nawnlou akhu. You should be a master in atleast one line to earn a living.

5. Hou maimai: Mi simmaw huoi asah deu khat aclass ua topper ahi leh lah ‘hou maimai, i-utleheizongihitheithou sih diei’ chideu gige lah hingai mawngmawng lou. “Jing chieng apat lekhasim kipan tahtah tavang e, keipi dihzou nawn sing e” chi deu gige, hinanleh a lawite’n “Hou maimai, nikhat nasimlou

bangma hisih, na siemthei na vele” achi leh kiphatsim in alawite zuijel, panthah langai mawngmawng lou. Atopna chuh FAIL or PROMOTED BY SPECIAL GRACE (Apate’n tution fee ahoi pieh zieh maimai). “Talab, Gutkha, Zarda etc ineehlou leh ikam namsie. Khamthei lah hilou a, hou maimai” kichi in neeh kipan chiet. Atop a addictta. Akamna-aleina pawl, a hasan pawl, asungnapawl leh khamthei dang a luttou suoh pawl kitam mama hi. Hinanleh akipatna ‘hou maimai, kam namsietlou nading’ ahi. A hou maimai tamveipi ahing kigawm chieng in hing hou maimailou in, kipua vadiang hi. Tuaziehin, sil neunoukhat zong hou maimailou a ngai ding ahi.

6. Idol worship: “Star” hing nei, lawm hing ngai panta. “Tulai hun a lawm ngailou umlou, ka laisim hing disturb kei naven” chi’n nu-le-pate isol uhi. Disturb lou leh malah lekha isim chieng a angaizawngnu/

pa amai a hing kilang in lekha simlou. Na lungsim mun ni (2) a um a, mun khat a focus/concentrate chi pen sil hamsa mama ahinghi tahi. Na hing kikhen chieng un nguui jen in lekha simlou, ann nelou, ihmu lou etc. in nahing um a, tamte zousie ahing kipahtna khu sil neunoukhat leh ahunlou a ngaizawng neizieh ahi. A effect khu bawlthakia thei hinonlou in, career beina asuoh hi. Naupanlai in IDOL ineichiet maithei hi. Hinanleh iletnung chieng in ahing theng deudeu a, a ohkha teng bangmalou ahing suoh jel uhi.

Eilah ah neival a kichawm ki umlou hi. Mihausa leh nehsenglou nei-le-lam nei ki umlou hi. I nu-le-pate buoina tangpi khu NEEH-LEH-DAWN thu ma ahi nalai vevaw hi. I economic status (in general) theikawm in lekhasim lai sangnaupangte hapan in hing pangunla, ZOU chi a kiminlawte khu, mite simmaw leh nuoisie ahilou nading uh nang khut ah a um hi.



A Monthly Christian Magazine
An Organ of the Zou Presbyterian Church Synod

Khristian Tangkou

Vol. 37 || No. 10 Suopat kum: 1964 OCTOBER, 2011



Editor: REV. STEPHEN CHINZATHANG

Undelivered
Please return to:

The Editor
Khristian Tangkou
ZPCS Office, Zomi Colony
Churachandpur - 795 128
P.O. Box - 48, Manipur, India
e-mail: zpcs@rediffmail.com

To

Edited and Published by the Editor on behalf of the Zou Presbyterian Church Synod

Khristian Tangkou

Vol. No. 37 || Issue No. 10 || October,2011

Editorial Board

Editor : Rev. Stephen Chinzathang
- 9863042789
ct_stephen@yahoo.com

Joint Editor : Rev. P.C.Manga - 9856130542

Cir. Manager : Mr. Jamsianmung - 9862086615
sianmung@rediffmail.com

Bus. Manager : Rev. Kamkhosoi - 9436665591
pastorkamsoi@gmail.com

Cont. Editors : Upa S.K. Khama - 9856406454
Rev. Awnkhankhup - 9862828921
Rev. Lamsuanthang - 9862072683
elesty@rediffmail.com
Rev. Thangboi Khuongsai
- 9402735675

ZOU SYNOD ULIENTE

- **Moderator:**
Rev. Lamsuanthang
- **Moderator Elect:**
Rev. Tualzachin
- **Secretary Sr.:**
Upa Tualkhanpau
- **Secretary Jr.:**
Upa Nengchinkap
- **Treasurer:**
Upa M. Kamzadou
- **Statistician:**
Upa T. Lamkthawng
- **Exe. Secretaries:**
Rev. Stephen Chinzathang
Rev. P.C. Manga

Copies - 1000

AMAN

Kumkhat ah	- ₹	40/-
Post ah	- ₹	50/-
Copy khat ah	- ₹	3/-
Life Member Fee	- ₹	600/-
Patron Member Fee	- ₹	1000/-
Memorial gift	- ₹	1500/-

A sung thu

• Editorial 01

• Hattuum sung a dahhuoi
mama silte 03

• Sangnaupangte a ding a
poimaw kasah khenkhatte 10

• Ni nukhia lam a mihingte
umding dan 14

• Bible a gam sahang number 666
leh Inique Identification Number
(UID) kibahkoivot lou dan 17

• Sunna 24

Thusuo zosie Editor leh Zou
Synod ngaidan ahi kimsih a, a
suotute'n maw a kipuoh chiet ding
uhi.

Thusuo dingte Editor kung a
pieh ding ahi.

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. (L) Pu Chinzasuan
5. Upa Liansuanpau	6. Pu Khamchinthang	7. Pu S.Dalthang	8. Upa Kapkhanthang
9. Upa Langginmang	10. Pu S. Nangkhanlal	11. Pu S. Lamkthothang	12. Upa Dr. M. Lachinkhai
13. Upa Khamchinjam	14. Upa (L) D.K.Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. Rev. V.Vungzalian	20. Rev. Kamkhosoi
21. Rev. Tualzachin	22. Rev.(Rtd.) H. Nengzatun	23. Rev. Awnkhankhup	24. Rev. Hangpi Manlun
25. Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkthothawng
29. Pu Khaichinmang	30. Rev. Chinzathang	31. Pu Khupkhanmang	32. Pu Khaidohlian
33. Hav. Khamzahang	34. Pi Vungzanuam	35. Pu T. Gouzadou	36. Pu Liensuonkap
37. Pi Zelkhochiin	38. Pi Hatkhanvung	39. (L) Pi Ngaihoiching	40. Pi Mankhannieng
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhonian	50. Upa Henzakhup	51. (L) Pu Saichinpau	52. Pu Goumang
53. (L) Upa Khamkhanhang	54. Shie Laangkhanlal	55. Pu Khamkhanlun	56. Pi Goizanuom
57. Pu Jamsianmung	58. Upa Ginzadong	59. Pu Kaizathang	60. Pi Liankhanmang
61. Pi Thangneivah	62. Shie Khamzathang	63. Pi Donchin	64. Upa Liankhanmang
65. Pu Hauchinlun	66. Pu T.S. Lal	67. Pi Goichiin	68. Pu T. Khupchinthang
69. Pu T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. T. Khamchinkhai	74. Rev. Jamlianpau	75. Rev. Chinzapau	76. Rev. Kamkhozam
77. (L) Upa Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P.K. Soia	82. Pu Goukhai	83. Pi Niangkhanmang	84. Evan. G.L. Joshya
85. Pi S. Chingkhanmang	86. Pu Vumchinkhup	87. Pu Lamchinhou	88. Rev. Mangsuanthang
89. Pu Kamgenpau	90. Nh. Deborah Zou	91. Mrs. Vahkholhing	92. Pu Hauliankap
93. Nu Chinnu	94. Pu T. Kuppa	95. Upa T. Gougin	96. Pu Ginsuanhou
97. Pu L. Langminthang	98. Rev. David K.Samte	99. Upa T.S.K. Samte	100. Upa S.K. Khama
101. Pu Jamkhopao	102. Pu Thathang Taithul	103. Pu Kamkhankap	104. Bhim Prasad
105. Rev. M.Kapsuanthang	106. Rev. Khupkhansuan	107. Nu Chingneikim	108. Upa T. Pauchinlel

LIFE MEMBER-TE

01. (L) Upa T. Khupkhenpau	02. (L) Pu M. Ginzahau	03. Pu Selzapau
04. Pu L.C. Pautungnung	05. (L) Pi Khamkhannieng	06. Pi Ngainuom
07. Pu Chinsuanthang	08. Pu Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu Tongzathang	14. Pi Chiinneilam	15. Pu Kulthang